



國立故宮博物院珍藏



清代起居注冊

咸豐朝 第二十二冊

國立故宮博物院珍藏



清代起居注冊

咸豐朝第二十三冊

咸豐四年十二月上……三三二五
咸豐四年十二月下……三三八九

清代起居注冊—咸豐朝

(清)沈兆霖等奉敕撰 民國72年 臺北市 聯合報
文化基金會國學文獻館印行 影印本

57冊 21公分

據國立故宮博物院藏手稿本影印

聯經出版事業公司總經銷

I. (清)沈兆霖等奉敕撰

654.77

7467

72

NT\$ 86,000.00

72 · 12 · 0650

· 89007123 ·

清代起居注冊

咸豐朝第二十三冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六一六一三二七

郵撥：一〇〇五五九號

行政院新聞局登記證局版臺業字〇一三〇號

保有版權·翻印必究

中華民國七十二年十二月初版

咸豐朝 共壹佰冊
定價每部新台幣八六〇〇元

新學堂
PDG

局豐四年歲次甲寅十二月初一日乙未

上詣

大西天

闡福寺

極樂世界

萬佛樓拈香是日內閣奉

諭旨扎拉芬泰等奏喀勒喀扎薩克圖罕三音諾

眼二部落罕王貝勒貝子公扎薩克台吉等及
所屬部落扎薩克多羅郡王桑噶錫哩等現因
逆匪尚未剿除淨盡情願捐馬二千一百餘匹
以備軍前調用等因呈請代奏請旨一摺喀勒
喀扎薩克圖罕三音諾眼二部落罕王貝勒貝
子公扎薩克台吉等情願捐馬二千一百餘匹
以備軍前需用洵屬衷悃出於至誠實堪嘉獎

惟該罕王等悉賴此項牲畜度日若如賞收朕
心實有不忍且據各路欽差大臣所奏各處逆
匪業經官兵疊次獲勝殲斃多名則是殘喘么
膺自可指日翦除著札拉芬泰等將此轉諭該
部落罕王等其所捐馬匹均著勿庸賞收以示
朕嘉獎蒙古之餘並寓體恤世僕之至意又奉
諭旨景崇因病奏請再行賞假一摺景崇著勿庸

賞假所有散秩大臣內大臣俱著開缺又奉

諭旨馬蘭鎮總兵兼總管內務府大臣著柏葭署

理又奉

諭旨柏葭奏職官夥賣木植舉放利債牽涉總兵
大員請解京審辦一摺已革內管領達魁達謹
並案內牽涉人犯著一併解京交刑部會同宗
人府秉公嚴訊按律懲辦馬蘭鎮總兵兼總管

內務府大臣慶錫著暫行來京聽候傳質又奉
諭旨山東學政徐樹銘奏請將濟南府歲科文試
變通辦理一摺山東濟南府尚未撤防現在歲
科並試為期較迫自應酌量變通所有濟南府
屬之長清齊河禹城章邱等縣著准其暫行附
入泰安府棚考試齊東濟陽臨邑德平平原陵
縣德州德衛等州縣衛著准其暫行附入武定

府棚考試一俟該處撤防即仍照舊章考試餘
著照所議辦理該部知道又奉

諭旨扎拉芬泰等奏戍兵期滿擬請暫緩更換一
摺著照所請烏里雅蘇臺應行更換咸豐五年
換防弁兵暫緩更換一班俟下屆應行更換之
年再行照例更換以符定制是日兵部題浙江
嚴州協左營守備員缺將以守備儘先補用

之右營千總蔣廷選擬補一疏奉

諭旨蔣廷選依擬用餘依議是日

起居注官寶璽何廷謙

初二日丙申內閣奉

諭旨御史楊重雅奏流通鈔法一摺著恭親王奕

訢會同戶部覈議具奏另片奏米局收捐請變

通辦理等語著一併議奏又奉

諭旨吏部奏遵議四川省審案錯誤各員處分一

摺四川候補同知沈英候補通判趙友泰署瀘
州事華陽縣知縣桂廷署富順縣事宜賓縣知
縣徐繼鏞候補直隸州知州音德布琦齡均著
照議革職其審轉未經結案之前署按察使清
安泰著改為降四級留任勘詳之前任按察使
陞任廣西布政使胡興仁著加恩改為降三級

留任署南江縣事雲陽縣知縣伊克精阿著照
議降一級留任准其抵銷餘依議又奉

諭旨曾國藩等奏請將帶勇滋事之員革職治罪
等語同知銜即選府經歷縣丞李光榮管帶川
勇協剿於該勇等強坐民船不給船價並將船
戶砍傷有心庇護迨師至漢口經曾國藩拏獲
滋事之勇派員審訊李光榮膽敢率眾持械奪

犯復縱容該勇攔江索詐駕船搶贓並於羅澤
南移營搬餉之時突往搶掠錢文傷斃長夫多
名種種不法實出情理之外李光榮著即革職
拏問交楊需嚴行審訊按律治罪毋稍寬縱又

奉

諭旨曾國藩塔齊布奏水陸官軍續獲大捷肅清
潯郡江面一摺逆匪自黃梅受創後糾合安慶

新到之賊盤踞孔壠驛小池口一帶與對岸之
九江賊巢聯絡抗拒本月初七日羅澤南李續
賓彭三元等由北岸督兵進至濯港地方突遇
大股賊衆我勇分東西兩路衝殺賊勢潰敗追
入濯港市内擊斃溺斃者賊尸山積其潰逃之
賊經兵勇分投追殺並抄擊樹林中伏賊前後
共斃匪一千四百名生擒八十五名奪城無

算十二日塔齊布率領全軍進攻孔壠驛三面
環剿我兵勇不避鎗礮一齊突入土城仍用長
圍困逼逆衆溺入泥淖中死者千餘人被諸勇
追殺者又二千人因即縱火焚燒街市餘賊無
一得脫生擒長髮賊七十九名偽丞相總制等
多名孔壠驛既破其小池口之賊亦即聞風先
遁餘賊爭駕小划駛入南岸我軍乘勢追擊該

逆紛紛墮水沈燬賊船多隻旋回柁北攻將北
岸洲尾大木簕一座乘風燒燬餘船亦被焚燒
復延燒洲岸賊營一座遂縱火偏燒小池口陸
路賊營其新港地方又有大木簕一座彭玉麟
揮衆躍入賊簕奪獲大礮十三位並將船簕盡
行焚燬經十四日水軍一戰潯陽江面遂就肅
清曾國藩駐軍九江城外於十五日與塔齊布

兩軍會合西門出賊數百人李孟羣率勇登岸
追殺賊即奔潰燬其木城一座彭玉麟等率大
隊直下湖口燒燬賊船四十餘號又燒燬自縣
城下竄賊船二十餘號並裝載輕重之大紅船
三號現在大軍扼守湖口內外要隘九江逆匪
首尾不能相顧可期即日掃除曾國藩塔齊布
運籌決勝勦力同心麾下將士率皆轉戰無前